



PREZIDÊNCIA KONSELLU MINISTRUS

V GOVERNUN KONSTITUSIONÁL

DILI, LORON 22 FULAN AGOSTO TINAN 2012

KOMUNIKADU IMPRENSA

Sorumutu Konsellu Ministru loron 22 fulan Agostu tinan 2012

Governu Konstitusionál V hala'o sorumutu iha loron Kuarta ida ne'e, loron 22 fulan Agostu tinan 2012, iha Salaun Nobre Ministériu Negósiu Estranjeiru no Koperasaun nian, iha Dili no halo parovasaun ba:

1. Proposta Lei kona-ba Orgánika Governu Konstitusionál V

Tuir fali husi sorumutu dahuluk Konsellu Ministru nian, iha loron 9 fulan Agostu, no hafoin halo tiha análize kle'an kona-ba kompeténsia hirak, ne'ebé ninia objetivu mak atu hadi'a diploma ne'e no hodi hatán ba nesesidade hirak ne'ebé titulár governu nian ida-idak konsidera importante atu hala'o sira nia funsaun, Konsellu Ministru aprova Orgánika Governu Konstitusionál V nian.

Konsellu Ministru halo mós análize ba:

1. Apresentasaun kona-ba program Governu nian

Konsellu Ministru hakotu atu realiza sesaun servisu nian balun atuhodi halo análize ho detalhe ba Programa Governu Konstitusionál V nian no elabora versaun ikus husi dokumentu ne'e.

2. Apresentasaun kona-ba Orsamentu Retifikativu tinan 2012 nian

Konsellu Ministru halo fila-fali análize ba apresentasaun kona-ba Orsamentu Retifikativu ba tinan 2012 ne'ebé sentra liu iha kestaun kona-ba responsabilidade finanseira sira no estruturasaun husi gabinete governu nian oinoin. Iha ámbitu ida ne'e, Komisaun Funsan Públika apresenta ba Konsellu Ministru



mapa kona-ba pesoál sira no kona-ba rekrutamentu iha Funsau Públika ba tinan ida ne'e (2012) atu bele permite jestaun kona-ba rekursu umanu ne'ebé di'ak liu no meu finanseiru ne'ebé atu afeta iha alterasaun ba Orsamentu tinan 2012 nian.

3. Apresentasaun kona-ba kalendáriu ba Orsamentu Jerál Estadu nian ba tinan 2013

Kalendarizasaun kona-ba planu servisu nian atu elabora Proposta Lei kona-ba Orsamentu Jerál Estadu nian ba tinan 2013 dala ida tan sai hanesan alvu apresiasaun nian husi parte ezekutivu.

